



Informativni centar za osobe sa invaliditetom  
„Lotos“ Tuzla



Projekt:

„Jačanje kapaciteta za samostalan život osoba sa invaliditetom u BiH“

Projekt „Jačanje kapaciteta za samostalni život osoba sa invaliditetom u BiH“, će doprinijeti usvajanju i implementaciji politika i zakona koji će omogućiti raznovrsne servise podrške osobama sa invaliditetom u vođenju samostalnog života u Tuzlanskom kantonu i tako stvoriti neophodne preduvjete za vođenje samostalnog života osoba sa invaliditetom. Ciljani korisnici Projekta su: a) mlade osobe sa invaliditetom i njihove porodice (MOSI); b) organizacije osoba sa invaliditetom (OOSI); c) kreatori politika koje se tiču osoba sa invaliditetom; i d) mediji i šira javnost. Nositelj projekta je Informativni centar za osobe sa invaliditetom „Lotos“, Tuzla, u partnerstvu sa švedskom organizacijom STIL iz Stockholma.

Ovaj projekat je nastao u sklopu realizacije MyRight programa 2015-2017 u Bosni i Hercegovini.

MyRight – Empowers people with disabilities je švedska nevladina organizacija koja okuplja preko trideset švedskih organizacija osoba sa različitim vrstom invaliditeta za međunarodni program podrške.

Ovaj Projekt financira švedska međunarodna agencija za razvoj i saradnju, SIDA



### 1. O organizaciji:

Informativni centar za osobe sa invaliditetom "Lotos" (IC „Lotos“), je neprofitna organizacija koja djeluje na području cijele Bosne i Hercegovine. IC "Lotos" okuplja osobe sa ili bez invaliditeta koje su zainteresirane da svojim radom na profesionalnoj ili volonterskoj osnovi doprinesu ostvarivanju misije organizacije. IC "Lotos" je 1997.god. registriran kao domaća nevladina organizacija. Misija IC „Lotos“ je da svojim djelovanjem utiče na stvaranje demokratskog, civilnog društva u BiH, u kojem će pitanja invalidnosti biti razmatrana kao pitanja ljudskih prava, te u kojem će biti uklonjene sve barijere koje priječe osobama sa invaliditetom da budu jednakopravno uključeni u procese obrazovanja, zapošljavanja, ostvarivanja zdravstvenog i socijalnog osiguranja, informiranja, društvenog i sportskog života, tako što će im biti omogućeno kretanje u unutarnjim i vanjskim prostorima, te korištenje potrebnih servisa podrške u ostvarivanju prava koja im kao ljudskim bićima pripadaju.

### 2. Pozadina

Projekt „Jačanje kapaciteta za samostalan život osoba sa invaliditetom u BiH“ ima za cilj povećati nivo samostalnosti mladih osoba sa invaliditetom u Tuzlanskom kantonu, tokom perioda od 3 godine, a u odnosu na „base line“ Istraživanje, koje je sproveo I.C. „Lotos“ putem tima autoriziranih istraživača, po metodi vođenja strukturiranih intervjua na uzorku od 40 mladih osoba sa invaliditetom i 40 roditelja/članova njihovih porodica u TK. Istraživanje je odgovorilo na temeljno pitanje, odnosno utvrdilo ključne faktore koji utiču na mogućnosti mladih osoba sa invaliditetom da žive samostalnim životom, a među kojima su najznačajniji kontinuirani i strukturirani edukativni rad i sa mladim osobama sa invaliditetom i sa njihovim roditeljima, odnosno članovima porodice. Vođeci se ovim zaključcima Istraživanja, I.C. „Lotos“ je razradio Program rada sa grupom od 15 mladih osoba sa invaliditetom iz TK, pod nazivom „Sticanje samopouzdanja i kompetencija za samostalni život putem međusobne potpore i mentorstva“ (MOSI Program), i Program rada sa grupom od 15 roditelja/članova njihovih porodica pod nazivom „Povećanje kompetencija roditelja/članova porodica mladih osoba sa invaliditetom o pravima i mogućnostima mladih osoba sa invaliditetom za samostalni život u TK“. Oba programa suštinski su fokusirana na izgradnju vlastitih, individualnih i grupnih kapaciteta i kod MOSI, kao primarnih korisnika i kod ROSI kao grupe koja je ključna u davanju pozitivne podrške mladim osobama sa invaliditetom, a sve, kako bi povećali nivo samostalnosti mladih osoba sa invaliditetom i u većoj mjeri ostvarili prava koja su im zagwarantirana UN Konvencijom o pravima osoba sa invaliditetom, sporazumima koji proizilaze iz Konvencije, a koje je država BiH ratificirala, te konačno usvojenim zakonima i pravilnicima koje treba primjeniti na lokalnoj razini. Implementacija oba programa zahtijeva angažiranje konsultanata, te u tom smislu

## Informativni centar za osobe sa invaliditetom „Lotos“ Tuzla

Objavljuje  
**POZIV ZA PRIJAVE**  
za osobe sa invaliditetom

radi izbora

### RADNIH MENTORA

za provedbu programa za mlade osobe sa invaliditetom:

„STICANJE SAMOPOUZDANJA I KOMPETENCIJA ZA SAMOSTALNI ŽIVOT, MENTORING PROGRAM  
I PROGRAM MEĐUSOBNE POTPORE“

### 3. Opis angažmana

Za potrebe implementacije trogodišnjeg MOSI Programa, I.C. „Lotos“ angažira 3 vanjska konsultanta, **RADNA MENTORA**, pod uvjetima i u okvirima, kako je navedeno:

Vrsta angažmana:	Povremeni mjesečni angažman u skladu sa jednogodišnjim planom aktivnosti, reguliran jednogodišnjim, okvirnim Ugovorom o djelu, koji će pokrivati mentorske aktivnosti za mlade osobe sa invaliditetom.
Svrha:	Metodologijom mentorskog praćenja angažirati mlade osobe sa invaliditetom da aktivno i kontinuirano sudjeluju u radu matične OOSI, dajući svoj maksimalan doprinos u skladu sa svojim potencijalima;
Opis angažmana:	<ul style="list-style-type: none"> <li>♦ Upoznavanje sa Programom za mlade osobe sa invaliditetom (MOSI), pod nazivom „Sticanje samopouzdanja i kompetencija za samostalni život putem međusobne potpore i mentorstva“ (MOSI Program);</li> <li>♦ Upoznavanje sa Kurikulumom i Priručnikom za Peer Support trening grupe od 15 mladih osoba sa invaliditetom;</li> <li>♦ Implementacija Mentoring programa: <ul style="list-style-type: none"> <li>- Pripremne aktivnosti: Izrada individualnog plana rada za Mentoring program, sa definiranim rasporedom, svrhom i ciljevima za svakog sudionika, mladu osobu sa invaliditetom;</li> <li>- Izvedbene aktivnosti: Implementacija Plana rada; vođenje bilješki o pojedinačnoj procjeni sudionika u Mentoring programu (nivo motivacije, aktivnosti i napretka), rad na izgradnji kapaciteta mlade osobe sa invaliditetom;</li> <li>- Izvještavanje, praćenje i koordinacija: procjene nivoa usvojenih vještina, izvještavanje prema I.C. „Lotos“, te kontakti i koordinacija sa drugim mentorskim OOSI,</li> </ul> </li> </ul>
Posebni uvjeti:	<b>Konsultant Radni mentor mora pribaviti pismenu suglasnost od menadžmenta/uprave matične OOSI u kojoj je aktivan da u svoj svakodnevni rad uključuje 2 mlade osobe sa invaliditetom iz I.C. „Lotos“ Programa. Matična OOSI mora biti aktivna organizacija, koja radi kontinuirano najmanje 2 godine na području Tuzlanskog kantona, te ima osiguran program i aktivnosti za 2016/17. godinu.</b>
Kvalifikacije:	<ul style="list-style-type: none"> <li>♦ Min. SSS, poželjan VSS u društvenoj oblasti;</li> <li>♦ Aktivno i kontinuirano sudjelovanje u radu matične OOSI, najmanje 2 godine;</li> <li>♦ Poznavanje rada na računaru (MS Office:Word, Excel, PP) , korištenje društvenih mreža;</li> <li>♦ Poželjno poznavanje engleskog jezika u govoru i pismu</li> <li>♦ Poželjno poznavanje UN konvencije o pravima osoba sa invaliditetom, pristupa pitanjima invalidnosti zasnovanom na konceptu ljudskih prava i inkluzije, poznavanje principa i filozofije samostalnog života;</li> </ul>
Kompetencije:	<ul style="list-style-type: none"> <li>♦ Vještina stručnog prenošenja znanja putem mentoringa i choachinga u svrhu davanja podrške, motiviranja i dugoročnog aktiviranja mlade osobe sa invaliditetom u rad OOSI;</li> <li>♦ Vještina praćenja napretka mlade osobe sa invaliditetom i izvještavanja o napretku;</li> <li>♦ Neophodna vještina efektivnog, profesionalnog timskog rada unutar OOSI;</li> <li>♦ Liderske vještine;</li> <li>♦ Vještina slušanja, nenasilne komunikacije i rješavanja konflikata;</li> <li>♦ Poželjno poznavanje osnovnog koncepta i značaja Mentoring programa;</li> <li>♦ Spremnost da se otvoreno podijeli osobna priča i iskustva o postignutoj samostalnosti, kao primjer i podsticaj;</li> <li>♦ Poštivanje prava i digniteta svakoga mlade osobe sa invaliditetom, te poštivanje privatnosti i zaštite podataka sa I.C. „Lotos“ Etičkim kodom;</li> <li>♦ Vještine zagovaranja pune integracije osoba sa invaliditetom u zajednicu, prema njihovom izboru, te promocija njihovih potencijala u zajednici;</li> </ul>
Mjesto rada:	Grad TUZLA, Tuzlanski kanton;
Datum zatvaranja oglasa:	Petnaest (15) dana od dana objavljivanja
Način podnošenja prijave:	Putem pošte na adresu: <b>M. i Ž. Crnogorčevića 3, 75 000 Tuzla</b> Elektronskim putem na e-mail: <a href="mailto:info@ic-lotos.org.ba">info@ic-lotos.org.ba</a> Paket za prijavu treba sadržavati: a) pismenu suglasnost od menadžmenta/uprave matične OOSI u kojoj je aktivan da u svoj svakodnevni rad uključuje 2 mlade osobe sa invaliditetom iz I.C. „Lotos“ Programa; b) Motivacijsko pismo; c) Radnu biografiju i dokaz o stručnoj spremi i d) Preporuke. Sve dodatne upite možete dostaviti na e-mail adresu: <a href="mailto:jaca@ic-lotos.org.ba">jaca@ic-lotos.org.ba</a> .